

# Jekabaara

Jamana



World Vision

Cikela cemān n'a müsoman kunnafoniseben

a bë bë kalo o kalo

Jamana baarada la BP. 2043 Bamako (Mali)


## Nininkali jaabitaw ka nesin jekabaara kalanbagaw ma CMDT maraw kono

Ne 5  
ni 6nan

### Kalo ladilikan

Okutoburukalo ! kabi san wolonwula ka se ninan ma, ale kéra nogondème kalo ye an bolo, k'an hakili lase an ka denkerefemaaw ma, n'an ka maa lojuratow, an'an ka sigijogonya taabolo desenyerekoro tigilamogow bee ma. O ye Alataanuko ye. Nka de ! Hun !... A kana ke kumamugu gansanko ye dëre ! kanu te suguya fila ye. Kelen don. O kanma, a man kan ka ke kaloko ye. Sanko yere fëntë. Sanga ni waati bee kunkanko de don. Awa, ne be n maajogon kanu, o te kumako ye. Kewale de b'o sementiya. O kanma, an k'a ke cogo bee la ka hine nogon na an ka dijenatige waati bee kono. An kana o dan okutoburukalo gansan ma. An k'a to nogon jigiya la sanga ni waati bee. Awa an ka nogon deme senyerekoro de siratige la. Aw ma Sinuwaw ka ntaalen in men ani k'a faamu wa. U ko : sanni i k'i ta ke maa hinemine ye ani k'a bololason, sanga ni waati bee, a dege jegemine na. O de b'a nafa. Kanu te bololason, nk'a be deme de k'a kisi bololason dese ma.

Tumani Yalam Sidibe



### Welekan gelén

Walasa Jekabara kunnafoniseben be se k'an ka cikelaw nafa a nema, ani an ka kalanden jolenw, an b'a nini AV ni APC ani kalandenw bee fe, u ka nininkaliw jaabi teliya la, minnu be boko in ne 5 ni ne 6 la. O be ben sebenfura kelen ne fila ma. O sebenfura de be tige ka nininkaliw jaabi u jaabiyorow la, ka soro k'a ci CMDT maraw seriwusi fòrimason bolofara nemaaw ma, olu k'u lase Bamako teliya la.

A wajibiyalen don jaabiw bee ka se seriwusi fòrimason na yanni Desanburukalo tile 10 ce.

Dawuda Mace Ndawo  
CMDT seriwusi  
fòrimason Bolofara nemaaw Bamako

## Balikukan sanyelemaseli gintanw kéra World Vision maraw kono

Ne 8-9nan

"Kalan be mogo son hakili la, nka kunnafo ni be mogo ba cù kunpan na". Yé Ulen Sidibe

ks  
s ka  
ks don

## Sandiya ni yereziya

**A**n be waati min na bi, cikefen caman bora, awa a caman fana boli be senna. Baara dun kekun ye tono de ko ye. O kanma, an b'a fo ko forow tonodunwaati de sera. Nka, a ka kan an ka nogon bilasira kononandiya kono. Bees k'a don ko foro ni ladon min ka kan, ko foro soro kelenw fana n'o ladon kelen de ka kan : a fen dumutaw du kono, an'a fen feeretaw du ka musakaw kadara kono. N'o taasira de donna ani k'o tiime, an be se k'a fo ko cikela ka forobaara y'a kunbo.

An yere ka ntaalenkor o do b'a fo ko : "maa o maa be sini dun bi fe, o tigilamaa te bo neniso abada". I n'a fo an da delila ka s'a ma cogo min na kene kelen in kan, "dijne ko si kufebaara ta kebaga nafa, sanko maa were". N'an dun ye kofosli ke, an be taa a soro ko cikela te maa were ye baa-rakela ko, min b'a ka san soro bees ke nogon fe waati kelen kono.

N bena misali kelen di o kan.

- Zanke ye cikela ye min ka koori n'a ka senefen feereta tow be sefawari ba kemne ni ba duuru don a kun san o san.

- Moriba ye forobabaarakela ye. A be sefawari doreme ba duuru ni kemne duuru soro kalo o kalo. N'i y'a jatemin Zanke ni Moriba bees ye sorokelaw ye. Nka, nafolo soro labaaracogo de b'u bo nogonna. Nka ni Zanke tun b'a ka musaka ben a ka san soro ma, Moriba fana k'a don san kono, a ka musa-



ka man ka hake min koso, u tun b'u diya. Bees b'a don ko mogo wolo te kene min lasoro; n'i ko k'i b'a saman ka se yen, a be fara. An be ko o ko ke dijne in kono, an k'o bererebem an ka soro taabolo ma. N'o kera an b'a don ko maakelenko te dijenatige diyabodaw ye. Halibi, n hakili be karamogoba in ka ladilikan na. N kan be karamog Tumani Jara de ma ka bo Giwoyo, Kolokani kubeba la. Giwoyo Tumani delila k'a fo n ye ko : "N togoman, a don ko kononin be ji min min ka se ka pan, a n'o de ka kan. N'a y'i ta ji diya fe, k'i kono fa ji la ka damatem, bilakorow be monejugu don a la" !

Nin ladilikan in, ne fana te se ka to a dibali ye Jekabaara kalanbagaw ma, ka masoro anw de ye nogon fu ani nogon safune ye. An k'a don ko cike ye baara ye min nafantan te, awa a nafantan te se yere ka to. Nka ko bee kebagajugu b'a lagosi cogo min na, ko bee kebaga numan b'a diya sankorota o cogo kelen de la. Cogo di Ala be se k'a ka san diya anw bolo ni sanji nafama ye ani ka dugukolo numan to an bolokoro, anw ka soro ka baloko walima nafoloko negeda san to kono ? O man kan ka k'anw cikelaw lasoro badaa !

Tumani Yalam Sidibe

## Poyi

### Se te se sa

Ni maa min ye bee dan fanga la Bee fana b'o tigi dan fangantanya la Fangatigi be fangantan kelle Fanga la, k'a tigi maasiba Awa, fangantan fana be fangatigi kelle ni fitinebalawuya taasiraw ye, ka fangatigi maasiba ani k'a lebu. Ne miiri la nin de la 2001 san setanburukalo tile 11 fitinsbalawu-tigilamogow ka walejugu kunkan lameriken jama-na kono Lamerikenw ma min don O de ye nin ye : "se te se sa" Fitinebalawu-tigilamogow ka kan ka min don O de ye nin ye : "Don bee nana si man ca" Lamerikenw ka do bo yada la Fitinebalawu-tigilamogow Fana ka taasi doonin ani ka hine N'o kera, An si da tena don kuma na, Anw minnu m'a ke Anw minnu m'a bon Do ka do min, do k'o kan fo, Aa ! Bon, anw bolo dere !

Tumani Yalam Sidibe

### Hakiliseneke

Mogoya ye hakiliko ye. Awa, hakili labaaracogo de be mogo kisi bofu-safuya ma. Ceden dow be yen, maaw te bo olu sogodogonyoro la, k'a ko to u kono.. Nka, san kemne caman dow ka saya kofe, dow be to taamaseereya la (numan walima juguman) adamadenw bolo. Jon de ko ko musow bee ka maganfenye kelen ye !

Tumani Yalam Sidibe

# Ka se CMDT cikelaw ma

## Koɔribɔ

Koɔribɔ ye baara ye min nafa ka bon. Bamananw ko : Ala ka laban kojuman di an ma. Koɔriforo baara laban ye koɔribɔ ye. Koɔribɔ be laben ka sɔɔ a ma damine fɔlo. Cikelakolidenw be koɔribɔ kalan ke dugumɔgɔw kun. Forotigi bɔɔ ka mɔgɔ ka kan ka ye o yɔrɔ la. O mɔgɔ kelen kelen be ladilikan di u ka somɔgɔw ma koɔribɔ kan. Koɔribɔminew n'a tonyɔrɔw be laben. Foro kɔnɔ koɔri tonyɔrɔ ma kan ka ke jiri jukɔrɔ. A man kan ka ke bin kerefe. Dugu kɔnɔ a be mara so kɔnɔ, sumaya te wuli min kɔnɔ. A be kɔlosi denmisènw kana tulon ke a la. A be kɔlosi tasuma la. A yɔrɔ ni koɔrifeereyɔrɔ ce be saniya. Koɔri

be bɔ ni bɔre ye min dajuru mana te walawala. Koɔri be bɔ ka juman bila bɔre dɔ kɔnɔ, ka juguman bila dɔwɛre kɔnɔ.

An balimaw a k'a dɔn ko koɔribɔjoona de kafisa.

Bawo a girinman be bo. A wari be sɔɔ joona. A te ja tile fe. Furabuluw te ja ka karikari a la. Koɔrikolobɔ be damine joona. Mali be koɔri feere joona suguba la.

## Koɔri bɔcogo juman

Ni koɔribɔlaw sera foro kɔnɔ, be b'i ta don minen fila-fila kɔnɔ. Juman keminen ani juguman keminen. Mɔgɔkɔrɔbaw b'u janto koɔri tonyɔrɔ la. Juguman dɔɔnin min mana ke juman cɔma, o be woloma. Ni mɔgɔ min ye cikulu bɔ koɔri bɔ kama, o be

mɔgɔkɔrɔba do bila koɔriton kɔrɔ koɔri bolen latɔmoli kama.

An balimaw, koɔri latɔmoli te koɔri jugu dama nɔfekɔ'ye. Bawo koɔri feerelen be ke gaari ye, k'o ke fini ye. Fen werew be yen minnu ka ko ka gelen koɔri kɔnɔ. O ye manaforoko, bɔnbonforoko, manajuru, bɔrefu, kalaw, belemisènw, jiriw, kalaw.

Nin fen ninnu be ke sababu ye gaari te ne. A be tige-tige. Masin minnu be o baara ke; olu be tinen, pentiri te fini min. Olu mana ye koɔri min na o te mandiya, o te sɔɔgɔ juman sɔɔ. An hakilila ye koɔri cikelaw ka nin faamuya ka koɔribɔ baara ke ni ladilikan ye u kɔnɔ.

**Yanfolila CMDT  
baarakelaw ka ladilikan**

## Fondason paritazi ka Sida keleli taabolo

**S**ida ma ni. An ka denmisènw kisi a ma. K'a ta setanburukalo temenen tile 27 la, ka s'a tile 30 ma, kojεñininaw, ni kεñyatigila-maaw, fo ka se Sidatow ma, olu maa caman ye nɔgɔn sɔɔ Bamako lajekesoba la, min ye Santiri Isilamiki ye, walasa ka feerew sigi sen kan min b'a to denmisèn be faamuya sɔɔ sida-ko ne bɔe kan, ni kunnafoni jelenw ye.

Baara kotigiya tiimbaga tun ye "Fondason Paritazi" de ye, n'o y'an ka jamanakuntigi furumuso Adam Ba Konare ka banumanketon ye. Tile 3 kɔnɔ, maaw jera k'u hakili jagabɔ Sida

nasira bɔe kan. O kadara kɔnɔ, hakili laminjemukanw fana səbenna arajow ni telewison laganseli kanma, min b'a to yεrtanga be ke sida kelbere ye. Ni fura te Sida la hali bi, kelεfen koni b'a la, fo kelεfen gelén. O y'a sɔɔsiraw dɔnni ye, barisa "wara min buguyɔrɔ ma don, maa be siran o de ne. Nɔntε, n'i ye wara buguyɔrɔ dɔn ka ban, baara banna. I be yen k'i tana ye, awa, i ni wara be to nɔgɔn ma kunpan na haali. Ala kana jeli to gintan na, o y'a sɔɔ gintan kunyanfa te jeli bolo dεre! Awa, Ala k'an sabu ne. Sida ko ale nakun ye adamadenw silatunini ye. Nka, ala ni

banumankew sabu la, i n'a fondason paratazi, an təna dese mɔne jugu karili la Sida la, k'a fenjugu nin kari dεre !

**Tumani Yalam Sidibe**



**Konarela Adam Ba kera  
denba juman ye maa deselenw bolo**

# Fanw tɔrɔli waati fantɔrɔlan petɔrɔlima fe. O geleyaw n'u kunbenfeerew

**GELEYAW****SABABUW****KUNBENFEEREW**

1. Fan jelen walima fan torobali ka ca - sabatibaliya
  - joli kuruntanya a) Semusow ka ca dononkɔrɔ ma, balodese be dononkɔrɔ la.
  - b) dononkɔrɔ be kεlε semusow nofε
  - c) dononw kɔrɔla kojugu
  - d) fanw marala ka mεen walima u celi cogo jugu ka taa yɔrɔ wεre. a ) dononkɔrɔ kelen be ben semuso 10 ma.
  - b) ka dononkɔrɔ balo u dama
  - c- ka dononkɔrɔ falen
  - d) fanw kana mara ka temε dogokun kelen kan
2. Sεdenninw be fan caman kɔnɔ
  - a) Waati funteni bonjena fantɔrɔlan kɔnɔ walima waati funteni dɔgɔyara kojugu.

- b) fanw yεlemacogo juguyara.

- c) fijε donta dɔgɔyara. a) ka terimometiri sεgesεge

- b) ka fanw yεlema dɔɔnin-dɔɔnin

- c) ka do fara fijεdonwow kan

3. Sεdenw ka ni nk'u ma se ka fanw faraci ka bo. a) fanw yεlema cogo mani

- b) sumaya bonjena. a) Ka fanw yεlema dɔɔnin-dɔɔnin

- c) k'i janto jikeminen na.

4. Sεdenw ye fanw faraci nk'u ma se ka bo fanw kɔnɔ. a) fijε jalen don

- b) sumaya ka dɔgɔ fanw tɔrɔ tuma

- c) waati funteni yεlena kojugu waati kunkurunni kɔnɔ. a) k'a laje ni ji be jikeminen kɔnɔ

- b) ka do fara sumaya kan fanw torowaati

- c) ka to ka waati funteni kolosi.

5. Sεden nɔrɔla fan fara la

Fan ji dɔgɔyala

O kunbenfeerew ni joyɔrɔ 4 taw ye kelen ye.

6. Sεdenw fanga ka dɔgɔ

a) fantɔrɔlan kalayala kojugu

a) ka terimometiri sεgesεge

7. Sεdenw ka dɔgɔ

a) fanw dɔgɔyara

a) ka fan bεrekεnεnεnenw don

8. Sεdenw taamacogo ma ni

fantɔrɔlan kɔnɔ ka magan

ka fantɔrɔlan kɔnɔ sεgesεge

9. Fanw ma tɔrɔ nɔgɔnfε a) fanw marali kuntaala janya makε kelen ye.

b) fanw bonjε te kelen ye.

c) waati funteni ye yεle ka jigi ke fanw tɔrɔ tuma a) kana fanw don minnu maralen ka ca ni dogokun 1 ye.

b) ka fan kumbabaw don don kelen

c) ka waati funteni ni petɔrɔlilanpan sεgesεge.

Buguni cikekafo - banganw lakanani ladilikelia - Solomani Tarawe

## Faw tɔrɔli waati fantɔrɔlan petɔrɔliman fe. O geleyaw n'u kunbenfeerew

<b>GELEYAW</b>	<b>SABABUW</b>	<b>KUNBENFEEREW</b>
1. Fan jelen walima fan torobali ka ca - sabatibaliya - joli kuruntanya	a) Semusow ka ca dononkɔrɔ ma, balodese be dononkɔrɔ la. b) dononkɔrɔ be kεlε semusow nofε c) dononw kɔrɔla kojugu d) fanw marala ka mεen walima u celi cogo jugu ka taa yɔrɔ wεre.	a) dononkɔrɔ kelen be ben semuso 10 ma. b) ka dononkɔrɔ balo u dama c- ka dononkɔrɔ falen d) fanw kana mara ka temε dogokun kelen kan
2. Siyedenw be fan caman kɔnɔ	a) Waati funteni bonjena fantɔrɔlan kɔnɔ walima waati funteni dɔgɔyara kojugu. b) fanw yεlemacogo juguyara. c) fijε donta dɔgɔyara.	a) ka terimometiri sεgesεge b) ka fanw yεlema dɔɔnin-dɔɔnin c) ka do fara fijεdonwow kan
3. Sεdenw ka ni nk'u ma se ka fanw faraci ka bo.	a) fanw yεlema cogo mani b) sumaya donjena.	a) Ka fanw yεlema dɔɔnin-dɔɔnin c) k'i janto jikeminen na.
4. Sεdenw ye fanw faraci nk'u ma se ka bo fanw kɔnɔ.	a) fijε jalen don b) sumaya ka dɔgɔ fanw tɔrɔ tuma c) waati funteni yεlena kojugu waati kunkurunni kɔnɔ.	a) k'a laje ni ji be jikeminen kɔnɔ b) ka do fara sumaya kan fanw torowaati c) ka to ka waati funteni kolosi.
5. Sεden nɔrɔla fan fara la	Fan ji dɔgɔyala	O kunbenfeerew ni joyɔrɔ 4 taw ye kelen ye.
6. Sεdenw fanga ka dɔgɔ	a) fantɔrɔlan kalayala kojugu	a) ka terimometiri sεgesεge
7. Sεdenw ka dɔgɔ	a) fanw dɔgɔyara	a) ka fan bεrekεnεnεnenw don
8. Sεdenw taamacogo ma ni	fantɔrɔlan kɔnɔ ka magan	ka fantɔrɔlan kɔnɔ sεgesεge
9. Fanw ma tɔrɔ nɔgɔnfε	a) fanw marali kuntaala janya makε kelen ye. b) fanw bonjε te kelen ye. c) waati funteni ye yεle ka jigi ke fanw tɔrɔ tuma	a) kana fanw don minnu maralen ka ca ni dogokun 1 ye. b) ka fan kumbabaw don don kelen c) ka waati funteni ni petɔrɔlilanpan sεgesεge.

Buguni cikekafo - banganw lakanai ladilikelia - Solomani Tarawe

## Nininkaliw ka se CMDT ciklaw ma

Nininkali jaabitaw ka nesin Jekabaara kalanbagaw ma CMDT maraw kono (AV-APC kalanden jolenw...) (U jaabiw be lase CMDT seriwusi fôrimason na yanni Desanburukalo tile 10, ce san 2001.

Nininkaliw

Fôlo : Aw be mun ni mun soro Jekabaara kono kunnafoni siratige la ?

Jaabiw :

Filanen : Olu nafa jumenw be se aw ma ?

Jaabiw :

Sabanan : Aw hakilina ye mun ye Jekabaara lasecogo la aw ma kabi san 2001 awirilikalo boko?

Jaabiw :

Naaninan : Yelema jumen be se ka don Jekabaara kunnafonisebenko la ?

Jaabiw :

Duurunan : Yali Jekabaara bakurukasan wari be se ka sara aw fe, ka kon Jekabaara soroli ne  
aw fe wa ?

Jaabiw :

Wooran : Aw yere hakilina ye mun ye Jekabaara jensenni lakika taasiraw la ? Olu ye sira  
jumenw ye ?

Jaabiw :

Wolonwulanan : Aw ka lanini ye aw yere sendonni ye Jekabaara laseli konuman siraw la, ka  
se kalanbagaw ma wa ?

Nin ɔwo, o be se ka ke cogodi ?

Jaabiw

## Politikiko taabolo

### Korolenko don

**D**ijenatigé ye kōnōn nēmisén y'a dōnbali bolo dērē. Nōnté, maa hakilima bēs b'a dōn k'a sigilen bē taabolow de kan minnu tē geren abada. O kanma, dōnnikelabaw bēs ko ko kurako bēs n'a ka korolenya temesira don. O ye tan ye, kelen ma min jé fewu.

Nin yorō in na, an ka misali bēna boli jemufangako kan, o min kelen bē maa suguya bēs darōgesé ye bi. Maa naniyanumantigé ni maa naniyajugutigi. O rō, an b'an kunda an ka kumabésséenabōbulon kōnō. Yen, kuma nafama bēs tun bē ta dōgōkunda, ka yelen kōrōkunda : furukuma ; maanangikuma ; sida kunkankuma...

Kuma o kuma tun mana don kōrōbulon kōnō, dugutigi, walima jamañemaa tun b'a dajira jama na. Dōgō b'a hakilina fo a kan, k'a lase kōrōkunda. O dakunw kōnō, kuma bē sēnseñ fo ka taa kuncé bēs la kōrō senkōrō. O bē sōrō k'a bila a bilayorō la. O tun tē ke gansan. Kuma tun tē damine kōrōkunda, barisa, fōlō, a tun tē kun dōgō la, ka ko bō kōrōta la. Awā, bēs dē dun hakilina bē faso jo. O de kanma, kuma tun bē ta dōgōkunda. O la, a bē se kōrō ma waati min, o b'a sōrō a ye dōgōkelen-kelen bēs hakilina dōn. A bē jateminé k'o de la, ka sōrō ka kuma jalatigé. K'a bila bolo kan, a tē bō min kan ten.

N'an y'o laje, o nōgōn jemufangá bē yen wa ? Fōlō, anw bara Maliba in kōnō yan, kuma-toden n'a caya o caya kumaminen kōnō, a tun bē ta kelen-kelen dōgōya dakun na, ka yelen fo ka taa

toden laban tabaga ke korokéba ye. O b'a to suman dunbaga bēs tun bē girindi, ka masōrō bēs b'i ka dunta dun, ka sōrō maa si ma dankari maa wērē ninyorō la. N'a fōra ko jemufanga, yēresagokéko te. Ladiriya bajuba de ye jemufanga ye fasobaara kēkonuman sirantigé la. Bēs k'i jō i jōyōrō la a nēma ka sōrō i ma maa wērē jōyōrō lakari gansan. N'i y'a mēn jemufanga, a fōko bēnkola fanga. Ale de bē jama bēs ke kurunkelen kōnōmaaw ye batige kanma. Hali ni miiri wērē bē sōrō maa kelen-kelen bēs la, bēs lajelen kōni ka lanini ye fēn kelenpe ye. N'o tē dōwērē ye batigéko numan kō.

**Awa Jara** ka dōnkili don : "jama lajelen tē maa nēnajé. Bēs n'i nēnajebaga". Jamana kelen kōnō, bēs n'a kuntilenna taabolo. O yērē de bē politikitōn w caya. Nka bēs naniya ye kelen ye : faso ka nētaa. An b'o de wele ko porogaramu walima nētaa-bolodataasibolo. Nka, an hakili ka to a la ko fasoko la, dijenatigé waati bēs kōnō, Maliden ma to kō abada. Awa a y'a jōyōrō fa ka masōrō a y'i wāsa don o de la. Naniyajugu ; hasidiya ani bēsēnkōniya tē fasojsira fēnw ye.

Awa, u mana don hali du min kōnō, a ka ca a la, u b'o du suko ke fōlō ka sōrō k'i kōdon.

An ka jemufanga ke a nēma. N'o kēra, anw ka Maliba in, a bē taa nē haali. Nka, n'an ye jemufanga faamuya k'a ke jōyōrō ninifēn gansan ye. A ka c'a la, a bē bōnē an ka dijenatigé la, k'an denw fana nimisa anw tīnetabagaya la. Ala k'an kisi dērē !

**Tumani Yalam Sidibe**

### U ko

Maa san mugan ma ko don, a ma fēn don fana. O ma ni.

Maa san bisaba ma se ka ko ke walima ka ko karaba. O man kan.

Maa san binaani ma fēn sōrō, a ma se k'a ka sininesigi laben. O bē mōgōdabali ban.

Nka, maa san biduuru dēsé kōnō, ka sōrō a ma se ka ko si ke ko ye, o nōgōn jigilatigéko te.

**Solomani Jakite**  
Jamana baarada  
(Bamako)

— — — — —  
Ala ye jamu fōlō min da farafinna, o ye Wage ye. Wage kōrō ye ko hōrōnya. Awa hōrōnya tē dōwērē ye yēredōn kō.

**Jeli Bakari Kōne**  
ko Do jelike

— — — — —  
Selikan kelenpe, wala-sa dijenatigé ka nē i bolo. O ye Ala bē n nē, a Kira bē n kō, n bē Jibirila kaman na !

**Muntaga Kōne**  
Arajo Gintan  
(Bamako)

— — — — —  
Maaya n'a jurukun bē nōgōn na dērē ! N'i y'a miné i nē, a b'i bila maaw nē ; n'i y'a bila i kō, a b'i bila maaw kō.

**Saran Kankouba**  
Sidibe ka bō  
Sanansaba (Biriko)

## Dugubila kafisa ni laadawili ye.

**A**n be san 8 bo bi, san o San Bila "World vision" be setanburukalo tile 8 ke nenaaje don ye i n'a fo a be ke dije fan tan ni naani bese lajelen na cogo min, n'o ye balikukan togoladon ye. O hukumu kono, Mali goferenama ye kakun fila sugandi, walasa ka ninan san 2001 nan setanburukalo tile 8 nenaaje boli olu nefoli kan, n'olu ye : Balikukan sinsinni ni fantanya keleli ye ka bo an ka jamana kono. O siratige la, Bila "World Vision" y'a ka ninan 2001 nan setanburukalo tile 8 nenaaje bonya n'a karamata ta k'a di Tuna dugutigi ma a k'a di a ka komini méri n'a ka dugu 26 maa. Bese lajelen ma, Cew ani musow. O hukumu kono, "World Vision" dagayoro (Base) n'o ye Bila dugu yere ye an'a farakan dugu fila, n'olu ye Falo ni Tuna ye, o balikukan landenw ni karamogow ani kalanko kolosilijekulu maaw, ka fara ADP 3 kalandenw n'a karamogow kan, n'olu ye Yangaso ADP, Jaramana ADP, ani koloni ADP kucala mara la. Nin maa ninnu bese ye nogon soro Tuna Sibiridon, Setanburukalo tile 8, san 2001, ka fara Bila world vision ka maaba welelenw kan. Olu la, dugutigi tun be yen, diine nemaaw tun be yen, politigi nemaaw ni demejekulu werew nemaaw ni cakeda werew nemaaw kenyereye ni foroba taw ka fara musojekulutonw nemaaw kan, minnu sigilen be Tuna dugu kono. Jama dafara tuma min, tuna komini méri Bakari Tangara ye jama bisimila. A y'a ka nisondiyafoli ke ka nesin jama bese lajelen ma, kerenerennenya la, a ye foli ke ka nesin Bila "World vision" nemaan n'a baarakenejognw bese ma, u ye nin danaya min da ale n'a ka komini dugu 26 maaw kan nin ye, o ye fen ye min ye ale n'a ka konseyew ni dugu 26 dugutigiyi ma dan soro min na. ka d'a kan, u tun ma sigi n'a ye, n'ka ma bala u la. Sabu world vision ye deme minnu ke ka



Bila World Vision nema Filipy Danbele.

nesin ale ka komini dugu 26 maaw ma, o ye fen ye min dogolen te Bila mara maa si la. Bakari Tangara y'a jir'a ka kuma senfe, ko world vision kera sababu numan ye ka musow kalan galadon na, o temenen ko, ka muso 40 ni murumuru bo kunfinya dibi la. A ko olu ye walew ye maa te se ka minnu nafa fo k'a ban. O temenen ko, A ko a b'a nini "World vision" fe, hali bi, baaranjogonya min be u ni nogon ce, do ka fara o kan ka t'a fe, ka danaya ni nogonfaamu sinsin a ka konminikonaaw ni "World vision" ce. O temenen ko, Bila mara nansarakalanko nenaabolaarada nemaaba ka ciden Amadi Kulubali ye kuma ta. Ale fana y'a ka nisondiya jira wale in kelila "World vision" fe. N'o temena ka bo ye, ay'a jira ko kabini "World vision" nana Bila mara la, k'o kera sababu ye ka kalanko sinsin Bila mara la. A ko k'a soro world vision ma se yan, kalango tun ye kelen-kelen ye, a tun te dugu caman na. N ka ni maa min sera Bila mara dugu fen o fen na bi, i be lakoliso walima balikukan sooro yen, Ala ni world vision sababu la. Amadi kulubali k'o hukumu kono, ni "World vision" ye nin nogonna kene sigi, olu ma kan ka t'o ko abada. O tuma a be foli kerenerennen ke ka nesin Bila "World vision" nemaan n'a baa-

rakejognw bese ma, ani Tuna komini méri n'a ka konseyew ka fara dugutigi n'a ka gatigiw kan.

O temenen ko, Bila "World vision" nemaaba Filipy Danbele ye kuma ta, ka foli ani tanuni ke ka nesin jama bese lajelen ma, fen o fen sen y'a yere se kene in kan. Kerenerennenya la, u ka maaba welelen, minnu nana ani minnu ma na n'u ka cidenw be yan, k'a be foli k'u bese ye u taamasen n'u naniya numan na.

Filipy Danbele y'a jira k'an be kene min kan bi, k'o ye balikukan togoladon nenaaje kene ye, n'o ye setanburukalo tile 8 ye. "World vision" ani Mali fan tan ni naani bese lajelen be don min ke nenaaje don ye san o san fo ka taa se dije seleke naani bese ma. A ko setanburukalo tile 8 kerenerenna k'a ke balikukan togoladon ye lajeba do senfe min kera Teran (Iran jama-na) kan dije kalanko nenaaboli minisiriw fe san 1965 ; nema ko ni Ala sonna ma, setanburukalo tile 8 nenaaje kene sigili bena ke laada ye "World vision" fe min be tiime san o san nisondiya kono. A ko bese ka kan ka d'a la, ka son a ma fana ko kalan ye feere kenema ye min be ke sababu ye ka kunfinya ni fantanya kele. K'o koson, "World vision", ka yiriwalibaara bolodataw la, a be joyoro dafalen di kalanko ma a ka baarabolo duguw kono. A ko fen min ye kalanko ye, u bena u seko ke walasa ka do fara o fanga bonya kan ka t'a fe. San o san, i n'a fo lakolikalan ani balikukan. K'o hukumu kono, n'i ye world vision ka baarakenafolo keme-keme sarada, i b'a soro bi saba (30%) be don kalango labenw kalango kuraw joli, lakolisow ani balikukan sow n'u konominenw ni kalankelanw ani lakoli karamogow kalanni ni lakolidensomogoton maaw kalanni ani karamogow minnu be balikukan karamogow kalan olu kalanni ni balikukan karamogogow yere fana kalanni da fe. K'o siratige la, k'u ka baara la, u ka ninita sebe-

sebe ye ninnu de ye :

- ka jekuluw dème minnu fanga kadogo kosebe an ceman n'o ye musow ni denmisenniw ye.

- ka kalanden tataw caya ani ka dō fara balikukalanden jolenw hake kan. A ko an be san 2001 nan min na nin ye, "World vision" ye baara damado minnu ke kalanko hukumu kono, Bila, Falo, Tuna, yangaso, jaramana ani Kəloni Kucala mara la, k'a bən'o da jama tulo kan.

1) Lakolikalanko hukumu kono :

- A ye lakoliso 6 laben, minnu musaka taar'i jo sefawari dōrōmē miliyon 7 ani ba 723 ani 250 la.

- A ye lakoliso kura 27 jo, minnu musaka benna sefawari dōrōmē miliyon 120 ani ba 404 ani 470 ma.

- Lakolidenw ka sigilan - panw musaka benna sefawari dōrōmē miliyon 37 ani ba 174 ani 000 ma.

- Lakolidenw ka kalankeminenko dème kanma, ka jesin lakolisow ma, o musaka benna sefawari dōrōmē miliyon 7 ani ba 595 ani 962 ma.

- Lakolikaramogo kura 29 kalanni musaka benna sefawari dōrōmē miliyon 1 ani ba 750.000 ma.

- Lakolidensomogoton maaw kalanni walasa u ka se ka lakoliso labaara ka je, o musaka benna sefawari dōrōmē miliyon 1 ani ba 043 ani keme 6 ma.

- Lakoliso jemaaaw kalanni walasa u be lakanani ani ka denmisew ka josariyaw dōn, o musaka benna sefawari dōrōmd ba 644 ani 000 ma.

- Lakolisow kalanni walasa ka sigida n'a lamini lakana, o musaka benna sefawari dōrōmē miliyon 2 ani ba 310 ani 125 ma.

O nafolo mumé bée lajelen benna sefawari dōrōmē miliyon 178 ani ba 665 ani 407 ma. \*

2) Min ye balikukanan ye :

- Balikukanso kura 8 jora, minnu musaka benna sefawari dōrōmē ba 883 ani 221 ma.

- Balikukanan karamogo cemaw ni musow ani kalanko kəlosilijekulu maa 101 kalanna, o musaka benna sefawari dōrōmē miliyon 5 ani ba 457 ani 020 ma.

- Balikukansow minenw musa-

ka benna sefawari dōrōmē miliyon 5 ani ba 417 ani 380 ma.

- Baaramisen were benna sefawari dōrōmē miliyon 1 ani ba 415 ani 000 ma.

O nafolo mumé bée layelen benna sefawari dōrōmē miliyon 22 ani ba 172 ani 621 ma.

Felipu Danbele ko fen min ye balikukalansow taabolo ye, dugu 185 bée ye do soro o la an be don min na i n'a bi Bila mara kono. Kalango 250 denmisen kalango ni maakoroba cemaw ani musomaw. Balikukanan cema ni musoma hake sera maa 3.941 ma ninan san 2001 nan in na. A ko fen min ye balikukalanko ye hali bi, Bila "World vision" ye taabolo kura do ta a be san fila bo, o ye k'u ka kalanden jolenw bolodon baaradege kalan na, i n'a fo kalali, jiribaara ani Motodilan. O denmisen minnu y'o ye, ko an be don min na i ko bi, k'u maa hake be taa se 15 ma, olu bée y'a kalan soro. A ko nin denmisen ninnu ka kalanje ni baaradege kofe, baarakemine be d'u ma u be se k'u ka baara kura ke ni minnu ye u sigiyorow la cogo min nəgoya la. Bila "World vision" jemaa y'a jira hali bi a kuma la, ko "World vision" hamni n'a ka ninita te dōweré ye, baara o baara n'a be ke, balikukanan ni dijelatige kun ke kelen ye, ka baara nafamaw sigi senkan minnu be ke sababu ye ka togodala denmisenniw sennasumaya tuganfetaa la. A ko fen min ye

musolakaw ye, ko "World vision" ma ninc u ko, wa ninet te k'u ko fana k'olu fanba kalanna galandon n'a nəgɔnnaw la. A ko Tuna balikukanan musow be misali bo o wale in na.

A ko ninnu tun ye baara damadow ye, "World vision" ye minnu ke kalanko siratige Bila mara kono n'o kerab sababu ye a ka sefawari dōrōmē miliyon 200 ani ba 838 ani 028 don o da fe.

Bila "World vision" jemaa ko a te se k'a ka kɔrɔfó kuncé abada n'a ma welekan lase Bila mara jemaaaw n'a kominiw jemaaaw n'a maa sugandilen fo ka taa se Bila mara maa bée lajelen ma walasa an kelen kelenna bée ka se k'a dōn setanburukalo tile 8 jenaje kun yere ye fen min ye. A k'olu be kuntilenna min nof, setanburukalo tile 8 jenaje ke tuma, jama hamni ka da kalanko kan kerənkərennenya la balikukanan. A ko jama ka jiriwali ni komini ka jemaa te sabati kalan k'cogoya si la. A ko fana ko komini ka yiriwali mako be ce kalannen ni muso kalannenw na balikukanan. A ko balikkukanan sinsinni dennen be an bée ka cesiri de la ko n'an y'an bolo di nəgɔn ma k'an be se ka kunfiya k'e ka bo an ka kominiw kono.

Ala ka san 2002 nan setanburukalo tile 8 jir'an bée kənema na.

**Fanta Kulubali ani Yusufu Fane**



Musow y'u joyoro fa Bila World Wision ka sanyelemaseli gintanw kene kan.


## Musow ni Sida : Mali muso dōw bē ka misali jira Sidatō ladonni taabolo kan

**M**ali kono, sidabanato musoma binaani nogon be ka diya kura soro dijenatige taabolo la ni Sida banakise y'u farikolo la. O be ka ke jekuluba kono, u b'u fanga fara nogon kan min kono, walasa ka ladonni ke ka nesin u yerev ma, ani maa deselenw, fo ka se faritalenw ma. O ye misali ye Mali muso Sida banakiseto musoma maa 70 000 ka kan k'u ne mine min kan. Olu minnu fanba kelen be sigida kono maa labilalenw ye.

Jekulu in togo ye ko "AFAS". A kunnafonikow ne nabu sekereteri, n'o fana ye Sidatō ye, n'o y'an balmi muso Fatumata Bokumu ye, o y'a ka denkenyea jira nin cogo in na dijenatige kun kan u bolo. A ko : "An b'a fe k'a jira dije maaw la, ko maa be se ka baloko numan ke ni Sida banakise y'i farikolo la". A ka fo la, ale ye nin dusu kura in soro a donnen ko "AFAS" jekulu de la, min nesinnen be deme donni ma Sidabana muso firiyatow n'a faritalenw ma. Ale yere ye min kunnafoni lasela ye sisan. A ka fo la, ale kelen ka kunnafoni soro a ka sidabanatoya kan, a hakili ker'a la k'a bena faatu don nataw kono i koro. A ko ale tun jigilatigera haali. A ko ale tun kono, a kelenpe de ye Sidabanato ye sigida kono. Fatumata donnent ko de "AFAS" la, a y'a ye k'u Sidabanato ka ca haali". A ko o ye fen ye min be maa jigginsi. Yali bamananw t'a fo wa ko "N be sa, o ka jugu. Nka, an be sa, o te maa kelen si bali ka sunogo!". Fatumata Bokumu hakili sigilen be sisan barisa ain'a jenogon sidabanatow be nogon fe waati bee. Muso Sidabanato be nisondiyaba de soro nogon bolo "AFAS" jekulu kono. "Ga kelendenya be muso ninnu ni nogon ce jekulu kono. O b'a to jigilatige be b'u kan. "Forobajemukanlasew senfe ani tobilikecogojiraw senfe, u be jama ladonni u ka Sidabanako la". O ye dogotoro Sila ka kuma ye, kenyea kun kan kunnafoni lase an'a hakilinadi baarada nemaaba (CESAC).

"CESAC" ye cakeda ye min sigira sen kan Faransi jamana ka demedonbaarada fe, ni sefawari miliyon 300 ye. "CESAC" be deme lase Sida kelen tonjekulu caman ma.

Musow ni denmisew de gosilen



be kosebe ni Sida nofekasaaraw bere ye. Kerenkerenneya la, faantanya. O ye dogotoro Sila ka kuma ye. A ka fo la, musow ni denmisew te se k'u jo u yere koro ka caya degun kono. O de kanma a tun ka kan jekulu ka sigi sen kan u be nogon soro min kono, ka nogon bilasira. Ka nogon hakilisigi. Dogotoro Seyidu Sila ka fo la, muso sidatō de ka ca Mali kono ni ce sidatō ye. Mali sidatō maa 130 000 la, musow hake ye 55 % ye. Dogotoro Seyidu Sila ma dan o ma, a taara ne ko : bi-bi in na, denmisew maa 33 000 ni ko de falatoyara Mali kono, k'o sababu ke Sida ye. Dogotoro Seyidu Sila ka fo la, an ka jamana Sida soro kumbaw n'a maasibabaw ju be diyagoyafuru ni cijetamusoko, ani bolonfemusoya de la. A ka fo la, dankari be ke musow de la ka caya, ka d'a kan a ka c'a la, u seko t'u ka jenyea kekojuguya la waati caman. Musow maa kalannen hake man ca. Awa u te kunnafoni jenjew soro fana ka caya yere tangasiraw kan ka bo Sida ma.

"AFAS" jekulu sigira sen kan 1997 san de. A be muso binaani nogon faranogon kan nafasorobaara caman kadara kono. Dennanenajefenw (pupeninw) de be dilan u bolo ka caya. Nka o suguman telin kosebe. Fatumata Bokumu ka fo la, Malidenw t'u ka "pupeninw" san ka caya. A ka fo la,

dije-nini-ka-donni yaalalikelaw de be "pupenin" ninnu kologirin san.

Nka, "AFAS" musow ka nafasorofen dan te pupenin doron ye. Basiw ni sesiw b'u bolo, maaw be na minnu luye furusiriw, ni denkundiw ani janajaw kanma. Wotoronin wolonwula (7) fana b'u bolo, minnu kelen-kelen be sefawari dorome 40 ladon u ka kesu kono don o don. "AFAS" musow be nogolombow fana ke. "CESAC" yere b'u labaara o siratge la, walasa ka maaw kunnafoni a nema Sida kan. U b'u ka nogolombow ke lakolisow la, duguw kono, ani sorodasi sigidaw la.

Nin baara kofolenw bee be je ka sefawari dorome 20 000 fo 30 000 de ladon "AFAS" kun kalo o kalo. Nka o wari hake sora te bere ye musaka botaw koro jekulu fe. Don-o don, muso kelen kelen bee be dorome 50 de soro baloko kanma. Finiw fana be san ka di faritalenw ma seliw nekorolaw la. Awa firiyamusow fana be ladon minnu buranna-kaw y'u mako bo u la. Olu bee de be jekulu bolokorowari fanba ta.

Fatumata Bokumu ka fo la, n'a donna doron ko muso ce sakun ye Sida ye, a buranw b'u mako bo a la ka soro u m'a nini k'a don ni Sidabanakise be muso fana na...

**Nin kunnafoni bora "D+ C"**  
kunnafonniseben de kono min  
bora san 2001 kalo 4nan na.  
Bayelemabaga : T. Y. Sidibe

## Bëne kunnafoni Sugula, ka bo Anteripirizi Wörkisi yoro

**Nébila:** Nin kunnafoniw bora cikclaw ka sara sinsin poroze yaro n'o ye Anteripirizi Wörkisi ye. Ale ye poroze ye min be nafasorofenw jensem, i'n'a fo : Ciwara ponpe, Yiriwa jaba, furuno Sewa, pèresi Neleni n'o ye bëne tulubomasi ye. Nin gafe in kun ye walasa ka bëne kunnafoni kuubabaw di benesenenaw ma. O be ke sabu ye u ka sugu taabolo dòn walasa u ka soro ka jidi.

**Anteripirizi Wörkisi ka baara kelenw beneko kan**

San 1996-97, k'a soro bëne songo binnen do (ka bo d. 15 la, ka se 20 ma), Anteripirizi Wörkisi ye bëne tulubomasin jensem walasa ka do fara benesenenaw ka soro kan. An be se san 1998 ma tuma min, o baaraw kéra sabu ye ka do fara bëne songo kan fo ka taa masin nafa dogoya tuguni. Anteripirizi Wörkisi soro ka benesénékafeere jensem baaraw boloda i n'a fo : si dili gansan, kunnafoniw jensem arajow la bëne senecogo kan, sugu taabolouman ani kalan werew.

Walasa ka bëne feereli nogoya, Anteripirizi Wörkisi be bëne sugu mankanw sigi ani sugubaw. Sugu mankanw be ke sabu ye ka hake feeretaw dan ani ka ciden wali degelew kalan feere kécogo la. Sugubaw be ke sabu ye bëne sanbagaw ni a feerebagaw ka se ka nogon dòn. O be ke sabu ye ka benesenenaw garijige sankarota.

Anteripirizi Wörkisi b'a fo ka benesuguw sigi ninan tuguni nin duguw la : Koro, San, Segu, Kulikoro ani Kita. O be ke kunnafoni ye ka d'aw tulo kan.

### Sugu taabolo nin waati la

K'a ta san 1998 ka se 2000 ma, bëne songo tun yeleria kosebe benesenenaw yoro. A tun be 25 ni 35 ce san 1998 ka se 45 ni 70 ce ma san 1999-2000, yoro dòn la. O kono ye Anteripirizi Wörkisi sago ye. Nka, sanni sumayara kosebe san 2001, sanko Anteripirizi Wörkisi ka benesuguw temen. Wa fana songo binna. O sabu bora ko caman na: bëne cayali an ka jama na ani jamana werew kono, bëne songo binni kókan ani Mali bëne mankutu goyali. A be fo kókan kosebe ko Mali bëne ma saniya w'a namajama ka ca. An be don min na na i ko bi, bëne toni 700 de be jagomanfilatiyw bolo mara la min ma san. O be se ka ke sabu ye ka bëne songo bin ninan wali ka do bo benesanbagaw la kosebe. O de la, Anteripirizi Wörkisi tun y'a fo ko benesenenaw kan'u fanga bonyan kéné seneta kan. Ko bëne kise numan doonin soro ka bon ka teme nogolen caman kan, barisa sannikelaw ka fesefeseli bëna bonya kosebe ninan. Nin kono ye Anteripirizi Wörkisi ye caman bo benesi hake la, a ye toni 3 de tila jeman la bëne senela kòrow ce ka ke sifile ye. An hakili la o de ma ka di sanbagaw ye. Bëne bëna caya kosebe sugu la ninan barisa Anteripirizi Wörkisi ka jate be se toni ba 2478 ma. Minnu ka si tun b'u bolo olu te nin jate la, wa seriwisdaw ka si dilen t'a la, wa fana benesanbagaw ka si

dilen t'a la.

Géleya in n'a ta bëe, Anteripirizi Wörkisi sera benesanbagaw dòn ma. Olu y'a jira k'u ka sanni be bo songo la, o koro ye ko ni songow ma bin k'u te se ka sanni ke. O hukumu kono fo nogonfaamuya ka ye kow la n'o te gelyaba be ye ninan bëneko la. Nin y'o mogow sorocogo ye:

bëne kana to aw bolo. Anteripirizi Wörkisi b'o ke a dama kunnafoni ye ka d'aw tulo kan n'o waati sera. Anteripirizi Wörkisi be tila ka pèresi Neleni soro duguw kofa aw ye.

**Duurunan : A' y'aw ka bëne feere a waati la**

Mogo te se ka suguko na fo k'a soro a ma

TOGO NI JAMU	CRCYCORCS	NEGEJURU
IKOMA	BAMAKO	21 68 81 / 21 93 62 / 21 68 84
CMDT	BAMAKO	21 79 19
CTIWALE	BAMAKO	23 03 80
COGETRAM (Mamadu Lamini Jawara)	BAMAKO	22 89 64 / 23 19 34
SOCADJI (Modibo Famanta)	BAMAKO	22 27 17
G;G;-ADRO Sarl (Gawusu Gumane)	BAMAKO	22 40 12 / Cel 77 21 80
ACOGEDI (Isa Keyita)	BAMAKO	22 0674 / 22 08 54
ARAWANI	KUCALA	64 04 04
GAWUSU FOFANA	BAMAKO	21 63 46
SOPRADEX	Burkina	226-97 46 17

### SUGU JOLI FEEREW

An be dòn min i ko bi, Anteripirizi Wörkisi be se ka kunnafoniw de d'aw ma ani ladi likanw walasa aw ka se ka fen soro barisa sugu te fen basigilen ye. Kanpani temen an ye fen caman ye i n'a fo : Songow binni, bëne cayali sugu kono, sanni sumayali, Mali bëne lagosili, bëne songo ni hake santa dñbaliya joona ani fen werew. Nin fen kofolenw caman te se ka dòn ni sugu ma sigi. Dabaliw ni ladilikanw minnu b'an fen ka fo aw ye olu file:

**Fol : Aw kana ban k'aw ka bëne feere ko fo Anteripirizi Wörkisi ka sugu - A' ye sanbagaw nin aw yere ye waati bëe.**

*N'aw ye sannikela soro aw sagona wari la, aw y'aw ka bëne feere hali n'o y'a soro sugu ma sigi fol.*

Tinedon Anteripirizi Wörkisi b'aw demen k'aw ni benesanbagaw ne jira, nka fo aw yere ka wuli k'aw jo aw ka ko la, ka dòn jini barisa Anteriparayizi Wörkisi te to Mali la kudai.

**Filan : A' ye Anteripirizi Wörkisi ka benesuguw diyabo.**

Ni Anteripirizi Wörkisi ka benesuguw y'a soro aw ka bëne ma feere, a' y'aw jija aw ni sanbagaw ka bëne songo la ninan. O be ke sabu ye k'aw kisi tijeni ma.

**Saban : A' ye songo hakelamaw sigi.**

An dalen b'a la ko n'aw ye songo sigi ni faamuyali ye, aw ni benesanbagaw be ben. Nka, n'i ye kow taabolo laje Anteripirizi Wörkisi dalen t'a la ko ninan songo be se san temen ta ma. O la, faw k'a dòn ko san bëe n'a lahala dòn. Songow be jigin u be yelen, fo aw k'o faamuya. O te bëne dama ye, o ye senefen bëe ye.

**Naaninan : A' kana jine bayelemani kó.**

Ni bëne songo binna ka se 20 wali 25 ma, o t'an ka lanini ye, a' y'a bayelema ni pèresi Neleni ye. O be ke sabu ye aw ka

sigi, kerenkerennenya la songo ni hake santa. O koson, waati numan ye aw mana aw sagona songo soro waati min na. O la, aw ka bëne feereli, a marali wali a bayelemani b'aw yere bolo. Nka, a' y'aw kolosi de ! bëne sugu ka telin kosebe. Songo yeleni n'a jiginni bëe be nogon ko.

**Wooran : A' ye sira jeyalen to aw ni Anteripirizi Wörkisi ka lasigidenw ce.** Walasa k'aw walalala teliya la, Anteripirizi Wörkisi ka lasigiden b'a koro: Kulikoro, Keneba, Kita, Segu, San ani Koro. U be se k'aw ni benesanbagaw ka nogonye nogoya ani kunnafoniw minnu be ke sabu ye aw k'aw taafan dòn sugu kono. O tuma, a' ye nininkali ke u ka birow yecogo la. Aw be se ka negejuru ci u ka soba la : 21 89 56.

### BENE KONA SAN NATAW KONO

Anteripirizi Wörkisi sako ye benesenenaw ka wari caman soro u ka baara la. A hamie ye Mali ka se ka lakodon kosebe beneko la. Nka, fo senekelaw k'a dòn ko senefenw ka sugu te fen basigilen ye : A be jigin, a be yelen. O la fi ka ke mögo ja farin ye : N'a diyara o don, n'a ma diya i be ala mine ka san nata makono. Anteripirizi Wörkisi b'a cesiri ka kunnafoni d'aw ma waati bëe walasa aw ka nafa soro. Géleyaw be baara in na, Anteripirizi Wörkisi b'a la ka baara caman boloda walasa ka fura soro u la.

### KUNCELI

Anteripirizi Wörkisi ka yeta la, sugu nata be son ka geleya doonin barisa songow be son ka bin, wa fana do be bo bëne ninita haké la. An b'a jini benesenenaw fe u k'u dusuma jo barisa kow ye doonin-dooin ye, w'a u te to fan kelen kan. Nka, fo benesenenaw ne be sin an ka jamana ma. U ka fo la, Malibëne nogolen do kosebe.

## Nsiirin : Koriya ka maana

Nin Kera dennen do ye, a togo tun ye ko koriya. Koriya ka dugu te duguba ye, sabu sugu te yen, Sugu tun be dugu were de la. O dugu sugu don selen sanji sira ka na, ka tile ka na ; Ji ye yoro bee fa. Sen do be koriyaw ka dugu ni dugu do in ce ; Ji ye o sen in ta ka taa n'a ye. Dogoden si ma se ka taa do go la nin don in. Mogow seginto ni koriya benna, u y'a fo a ye k'a ka segin sabu sira te yen nka koriya ma son. A tagara ko da la ; a selen yen a y'i sigi fo mogow bee tagalen ka ban. Jaa-Jaa bama bele-bele do be ko in kono. Bama in y'a yere jira koriya la nka koriya ma siran bawu ale hakili be a mako de la. A ye yan file ka yan file, a ma mogo ye, a y'i geres bama la ; a ye min fo bama ye aw y'o don wa ? A kumana bama fe ni hakilisigi ni nemajo ye i n'a fo ani bama in tun be nogon don ka koro. Koriya y'i kanto bama ma : n ba bananen don, n b'a fe ka taa fura jini ka na n ba furake. Nbalimaw, bee y'a don ko masako te tulonfen ye.

Bama in ko koriya : ne b'a don ko masako ka gelen, Ala ni masako geleya kanma, nbena i la tige n ka ibe layidu ta n ye, koriya ko o ye layidu jumen ye ? Bama ko : dowerete, i k'a kan'a n'a fo maasi ye ko ne y'i tige koriya y'i kalai para o kan. Bama ye denni ta ka ko tige n'a ye. Jaa u bee nin bee la, ntubanin do sigilen tun be jiribolo kan, o tulo donna kuma in bee la.

A tugura koriya ko fo ka taa se dugu kono u selen yen, dugu maaw bee kabakoyara koriya ye yan sorogododi ? nininkali be ke fan bee, e nana cogodi ? e ye korige cogodi ? jen nana n'i e ye ? koriya k'u ma ci were b'ale la min te nin kumaw jabilie, ale ba man kene, a nalen don o fura de jini. U y'a negeen cogo bee la ko dese : u ye misi d'a ma a ma son, k'a saga d'a ma a ma son, u ye ba d'a ma a ma son ka se d'a ma koriya ma son ka fen fo maa si ye. Hali no dir'a koriya ma. Nka a sera a yere la a ma son. Nin bee kera, ntu-

banin jena a y'a bee men. Mogo kelen tun be jamala, o y'i molonti ka boli ka furatigi segere, o furatigi tun ye musokoronin do ye, o y'a jini musokoronin jin fe a ka koriya ka gundo jini k'a don. O la, musokoronin fana ye nejekiniba tobi ka dasogo caman k'o la k'o di koriya ma, ntubanin donnen be kere fe nanfigiya kanma. Koriya kelen k'a nakun fo musokoronin ye, o k'a ma baasi te ni ala sonna nbe fura d'i ma, nka ndjen, ne b'a fe k'a don e nana cogo min yan anw fe koriya ko musokoronin ma, fen min ye ne tige o ko n' k'an'a fo maa si ye. Musokoronin ko a ma : e ne be jen na yan an mogo fila ko, a ye dennen negeen fo a da tila la a la a ko bama de y'ale latemen. O kuma folen ntubanin ye so maasama sorog. A y'i sigi fo koriya kelen ka sira jini. Sira dira a ma tuma min na, no minnu dira a ma o y'olu fara nogonkan bore kelen kono, ka misi ni saga ni ba ni se Kalifa musokoronin ma, ka sorog ka sira min, a selen so kofe, ntubanin tagara a sigi sirakun na a ne k'i kanto a ma : he ! he ! Koriya, a fora e ye koriya, misi dira e ma, i ma son, saga dira i ma i ma son, ba dira i ma i ma son, se dira i ma i ma son, hali no dira e ma i ma son kaf ko ko bama y'i tige ; nejen koni ni dasogo dira e ma yoro min i ko "Kuruloo, bama ko kuruloo".

Koriya jatigera parati. A ye jatemine ke, a hakili jiginna ko no h'a le kun, a y'o dooni bon ntubanin koro, ntubanin y'o kununi dabo, koriya ye do fara a senno kan. Ntubanin y'o kunu ka ban a wulila ka tugu Koriya ko. Koriya fana ye no were bon a koro, ntubanin be tila o kununi na koriya sera bama ma, bama y'a latemen ala ni masa ka sababu ni bangebaa dugawu. Ntubanin selen ko da la a y'a sorog koriya temena ka ban, a monena, kuma b'a kono fo a ka fo, nbalimaw nanfigiya ma ni, wa nanfigi timinan ka di. O cogo la ntubanin y'i sigi k'i ne ben bama ma ka donkilin da : he ! he ! koriya, a fora e ye koriya misi dira i ma, i ma son, saga dira e ma i ko foyi ma i tige, ba dira i ma i ma son, se dira i ma i ma son,

hali no dira koriya ma i ko foyima i tige, nejen kini ni dasogo dira i ma yoro min, i ko "Kuruloo, bamako kuruloo !"

Bama ko ale ma a men, ntubanin wulila kana a sigi bama kunkolo kan ka donkilin da, bama ko ale ma a men, a y'a sigi bama nunkan k'a fo, bama ko ale ma a men, bama ye a da waga ko ntubanin ka don k'i sigi yen ka donkilin da walasa a b'a men cogomin ntubanin donna bama da kono, ala ni nanfigi ya kan ma ka donkili in da, a tila la yoro min, ko a be bo, bama y'a jini ka ji susu, k'a naga tu ji la ; o yelemana ka ke jege kubilennin ye. Ntubanin ka ko banna yen.

Kolonjugu jiri be kari a yere kono. Ntubanin y'a ka nanfigiya tono sorog. Koriya tagara u ka dugu la ka taa fura di a bama, a ba kabana kenyara.

Koriya kera dugawudene, a ka maana banna yan.

Aw ni ce aw ka tulo majola, nbe foli ke Maliden ceman n'a musoman bee ye ; ne dugawu ke bee ye : Ala ka bee kisi nanfigi ma, nanfigi ya te horon masiri ye ; mogo kana i ka horonya tige dije neema nogolen koso, Ala ka limaniya di an bee lajelen ma.

**Yakuba Kone n'u ko Alibela  
mobilobilila Sikaso CMDT la**

### Jekabaara

Labolikuntigi ni Sebennekulu kuntigi

Tumanj Yalam Sidibe  
Sebennekulu

Yusufu Fane  
Tumanj Yalam Sidibe  
Dememogon

Fanta Kulubali  
Idirisa Setigi Sakoh  
Bonifasi Danbele  
Nlegew kebaga

Yakuba Jara ko Kayi  
Baarakengon

CMDT-World Wision-  
Ofisi Nizeri-Ofisi iri-OHVN  
Hake bota

11000  
Bataksira : 2043  
Negejurusira : 29 62 89

Jamana baarada-Seki zeyedi togola  
sira-Hamudalayi kin-Bamako